
RAGAD ADVERTENTIE:

Kabar premili: 1 — 30 temboeng f 1. —
Langkoengipoen, saben 10 temboeng oetawi
kirang: f 0,50.

Advertentie limrah: f 0,15 sagaris:
(apes: f 1,25).

Moendoet kapatjak langkoeng saking sa-
pisan, oetawi moendoet dados ienggan-
an, tepang rembag roemijin kalijan admi-
nistratie.

Hoofredacteur:

B. SOEMARNA

kabantoe

REDACTIE-COMMISSIE.

SWARA-TAMA

SERAT KABAR KATHOLIEK

== Medal saben dinten Djoemoewah. ==

REGINIPOEN LENGKANAN

SWARA TAMA

1 taoen . . . f 6,— } njoewoen kabajar
1/2 " . . . f 3,— } roemijin.
3 woelan . . . f 1,50 }

Adrèsiipoen Redactie lan Administratie

IGNATIUS-COLLEGE

DJOKJAKARTA.

Telefoon no. 885.

Drukkerij „Canisius” Djokja.

PRADJA RAHAJOE.

PANGGAGAS.

Tijang ingkang merlokaken datang pradja rahajoe, sanget anggenipoen ngoedi kados-poendi rékanipoen ngitjali kasangsaranipoen kaoem berah soepados gesangipoen tjoendok kalijan kamanoengsanipoen. Margi saking wontenipoen ngelmoe liberalisme ingkang moelang bilih manoenisa poenika mardika sarta sarèhné mardika dados ladjeng kénging nglampahi sakadjeng-kadjengipoen, ladjeng dradjadipoen kaoem berah ngrekaos sanget.

Manoet ngelmoe liberalisme angger kantongipoen pijambak saged kebak, sanadjan kaoem berah ketèkèng-tèkèng inggih boten dipoen-pradoeli. Wadjibing tijang ngagesang poenika ingkang sapisan kedah nindakaken kaleresan, kaping kalih katresnan.

Doenoeing kaleresan poenika manawi kaoem berah angsal berahan ingkang tjoendok kalijan kamanoengsanipoen tegesipoen manoenisa: nggadahi kasenengan, saged nandang sesakit, gadah anak sémah lan sapanoenggilanipoen. Dados kaoem berah boten kénging kaanggep machine.

Doenoeing katresnan inggih poenika manawi poeroen tetoeloeng boten margi ngèneti poenika gegengosing épahan, nanging margi ngèneti bilih ingkang katoeloeng waoe sasaminig toemitah.

Liberalisme poenika boten mikir datang kaleresan lan datang katresnan. Mila sasaged-saged ladjeng njoekani berahan ingkang sakedik. Tijang djaler berahanipoen kekatahen, liberalisme ladjeng mendet tijang èstri oetawi laré alit-alit, ingkang pandamelanipoen mèh sami kalijan tijang djaler toer berahanipoen trimah mirah-mirahan. Terkadang Taylor-systeem kaetjakaken inggih poenika tijang kapoerih njamboet damel kados machine. Ingkang kados makaten poenika moerogaken wontenipoen katah tijang djaler ingkang tanpa pandamelan. Mangké manawi tijang èstri oetawi laré kénging kangantos ing machine ingkang moerogaken mirah, inggih ladjeng sami boten kanggé, dados boten gadah pandamelan.

Jèn ing satoenggaling nagari katah tijang ingkang boten gadah pandamelan, mesti kémawon pradja rahajoe noenten risak. Mila Pangerèhing Nagari ngoepados réka daja soepados tetijang waoe angsal pandamelan oetawi wontena ingkang dipoen-teda.

Poenapa sababipoen Nagari paring pandamelan datang tetijang ingkang sami boten gadah pandamelan waoe? Amargi kados ingkang koela atoeraken ing nginggil, mindak ngrisak pradja rahajoe lan malihipoen margi Nagari boten saged meksa datang toewan-toewan pabrik soepados sami poeroena njoekani pandamelan datang tetijang waoe.

Sapoenika koela gadah gagasan. Saking pamireng koela Nagari ing ngriki kagoengan nijat badé nggemèni, munggah rékanigoen badé ngèndeli tijang katah ingkang sami njamboet damel dados berahing Nagari. Ing ngriki Nagari koela anggep kados déné toewan pabrik, ingkang margi wontening djor-djoran ladjeng ngèndeli berah-berahipoen.

Ngèndeli tijang satoenggaling kalih poenika boten dados poenapa. Saged kelampahan tijang njamboet damel ladjeng nglirwakaken pandamelanipoen. Ingkang kados makaten poenika oepami dipoenkèndeli, inggih sampoen dados mestinipoen. Sina-reng ing ngriki Nagari badé ngèndeli tijang katah, malah pamireng koela atos, poenapa poenika boten kalebet ngrisak pradja rahajoe?

Manawi toewan pabrik ngèndeli tijang berah, poenika pladjengipoen noenten datang Nagari. Nagari ingkang paring pandamelan. Jèn Nagari pijambak ingkang ngèndeli, pladjengipoen noenten datang poendi? Da-

teng panggenanipoen tijang partikelir? Tijang partikelir limrahipoen malah badé njakediki katahing poenggawanipoen, dados kalebet mokal manawi poeroen nampi tetijang ingkang dipoenlèrèhi déning Nagari.

Ladjeng tijang ingkang badé dipoenlèrèhi poenika bédjeng pladjengipoen datang poendi?

Koela boten saged mangsoeli.

Mila saking panoeuwen koela, manawi taksih wonten margi sanès, moegi-moegi Nagari sampoen ngantos nindakaken karsanipoen inggih poenika nglèrèhi poenggawanipoen ngantos atos. poen P. D.

L A R A S A T I.

OETAMINING WANITA.

Oetaming wanita poenika boten doemoenoeng oetawi goemantoeng wonten ing saéning warni, amargi sanadjan saé warninipoen ananging manawi awon watekipoen inggih dèrèng kawastanan wanita oetami. Lan malih saéning warni poenika rak kénging koela oepamèkaken sekar mawar ingkang saweg tedengnedenging mekar, poenika pantjèn saé lan ngresepaken pandoeloe; ananging kawoeningana, sadinten oetawi kalih dinten engkas, sekar waoe sampoen aloem lan anggegèrègi, sirna sadaja saéniipoen kanten awonipoen. Samanten oegi saéning warninipoen wanita, poenika namoeng sabinjaran, satoen oetawi sadasa taen kéma-won sampoen sirna. Lan malih oetaming wanita poenika boten goemantoeng lan doemoenoeng ing gandes loewesing wiraga, manising oelat lan pasemon. Lah, gèk doemoenoeng wonten poendi lan goemantoeng ing poenapanipoen. Poenapa wonten ing darah? Inggih oegi boten, amargi sanadjan darahing koesoema rembesing madoe, terahing andana warih, lan tedaking amara tapa, ananging manawi awon watekipoen inggih dèrèng padja-padja kawastanan wanodya ingkang oetami. Dados jèn makaten oetaming wanita poenika terang sanget menawi namoeng goemantoeng lan doemoenoeng ing watek. Ingkang koela kadjengaken watek ing ngriki, watek saé. Ing ngriki koela badé mastani watek ingkang saé, inggih sarana njoepik-njoepiki ing boekoe-boekoe. Déné ingkang kalangkang dèrèng koela wastani koela soemang-gakaken ing para maos. Watek waoe kénging koela pérang dados gangsal golongan, inggih poenika:

I. Taberi, gemi, nastiti ngati-ati (=ngatos-atos).

II. Ririh, rèrèh, roeroeh.

III. Moegen, rigen, tegen.

IV. Soetji, wani, bekti.

V. Angker, wingit, banter, pinter.

Lah, manawi wanita anggadahi watek gangsal golongan poenika, kados-kados sampoen kénging dipoenwastani wanodya oetami sedjati. Déné gelar lan gantjar, gantjaripoen tetemboengan ing nginggil waoe, kados ing ngandap poenika:

I. Munggah tegesipoen taberi makaten: marsoedi lan andjanga datang katjekapan, dipoenpardi sagedipoen loeloes boten wonten sakara-kara, kanti sregep lan mantep, sampoen ngantos kekirangan sandang teda.

Tegesipoen gemi: barang ingkang taksih kanggé karoematana kanti doemoewé, sanadyan barang waoe sapélé, oetawi sakedik, babasanipoen sarem sadjimpit, trasi sadoeleit, gombal sasowèk, kedah dipoenrimati ingkang saé. Amargi wanita ingkang boten anindakaken tetemboengan ing nginggil waoe, nami kalintoe gesangipoen andjalari doemawahing papa lan tjintraka.

Tegesipoen nastiti ngati-ati: doemoewé sadajanipoen, demoewé ing wedaling betah saben dinten, sarta kedah mawi katata, sampoen brabèh, sampoen lirwèh ingkang badé amborosi kedah dipoentjegah, kedah nganggé moerwat, soepados awèt, sampoen goeroe-aleman lan oegi de-

moewé ing panggaraping bekakas grija, sampoen sapoeroen - poeroen kémawon.

II. Tegesipoen ririh makaten: sarèhning wanita poenika babasanipoen kroebjoek kawratan pindjoeng, pramila njamboeta damel, loemampaha, witjantena, goemoedjenga, kedah ingkang alon, nglenggahana kawatan, sampoen ngantos kasendoe ing sanès, poenika nama saroe.

Tegesipoen rèrèh: sabar, sarèh. sampoen remen nepsoe, sampoen remen njoewara ingkang saroe, kados-ta: misoeh, nosotaken poenika boten prajogi sanget, djalaran wanita ingkang poeroen misoeh lan nosotaken poenika tjatjad ingkang ageng sanget lan ngitjalaken moernining wanita, djalaran wanita ingkang poeroen misoeh lan nosotaken poenika namoeng tijang èstri awon.

Tegesipoen roeroeh: anteng djatika, boten remen witjantena oetawi goemoedjeng manawi tanpa perloe. Ant. Soeprapto. *)

Badé kasambet.

SESÉMAHAN.

Kita poenika sagedipoen. dados bapa, oetawi sagedipoen netepi koe-wadjibaning bapa, angka satoenggaling kedah dados tijang Kristen ingkang sajektos, tegesipoen „kedah anggadahi dedasar kasoetjaning manah.

Ing dinten ngleresi panggihing temanten, panganten djaler ngateraken panganten èstri datang sangadjen-ging altar kanti pangadjeng-adjeng ingkang penoeh ing kabingahan. Sanadjan sampoen mangertos bilih ing tembé badé kadatangan kasang-saran saha rekaosing gesang, nanging manawi anjawang ingkang dados pandoedjoening manah, ingkang saweg dados woding manah, manawi andoeloe pipilhaning manahipoen, ingkang badé tetoeloeng anjanggi kasoesahan ing salebetipoen sesarengan gesang, sirna koewatosing manah, ing nglebet karaos tentrem, ajem sepi ing kasamaran. Wonten tetemboengan Walandi makaten: „Trouwen is rouwen”. Kénging koela gantjaraken:

Krama ikoe marganing soengkawa,
Jèn kakoeng bakal mangoen koeng,
Jèn poetri nandang wijati,
Jèn prija ngadjab doehkita,
Jèn wadon soesah toemèkèng ngendon.

Rabi lan laki mikolèhaké prihatining ati,
Moela dèn ngati-ati
Waspadakna kang bakal nekani,
Mrih tan awrat ing woeri.

Jèn manoet poenika, mengkoe sémah poenika rekaos, inggih kanggé tijang djaler, inggih kanggé tijang èstri. Mila kaparenga koela tjaoes pepèngat datang para djedjaka moeda, ingkang kagoengan kresa krama, soepados pamilihipoen sisihan sampoen ngantos sembrana, oepami namoeng margi kaboedjeng ing warni, kesesa, boten sabar. Inggih leres katah sanget tijang ingkang anggenipoen sesémahan, ing sakawit margi katarik ing warni, ananging para moeda sampoen ngantos: tresna ikoe woeta. (Liefde is blind), dados saderèngipoen idjab sampoen pegat naliti kalakoeanipoen laré èstri waoe. Jèn boten pantes inggih sampoen rangoe-rangoe nilar.

Amargi jèn sembrana, sajektos ngrekaos ing wingkingipoen.

„Moela dèn ngati-ati . . . enz.” Poenika lo, pepèngat kanggé para moeda. Déné anggen koela kami poeroen tjaoes pepèngat makaten waoe, djalaran sampoen mregoki sambatipoen tijang sesémahan, roemaos jèn boten kleresan anggenipoen gegrija.

Sanadyan tetemboengan ing nginggil waoe (Krama ikoe marganing soengkawa . . . enz.) kados-kados sampoen katjatjeng ing salebeting manah, éwasamanten oepami sageda badé kasirnakaken. Ing batos boten pitados bilih bentjèng kakadjengan oetawi soedaning katresnan

badé saged misah raket ing manah oetawi medot tetangsoeling katresnan. Ananging kawoeningana: sampoen rambah kaping pinten kémawon gagasan makaten waoe anggenipoen soelaja kalijan kajektosanipoen.

Oepami kémawon prijantoe ingkang saweg patjangan. Jèn taksih tjelak oetawi taksih saged priksa saben dinten, roemaosipoen: mokal jèn sageda petal. Ananging samangsa tebih lan ladjeng priksa sanès ingkang langkoeng saé warninipoen, dedeg-piadeipoen, lan langkoeng „vrij” pitepangipoen, lha, poenika wiwiting panggoda. Jèn boten kekah boedinipoen, sajektos saged ndjomplang, ladjeng roemaos kema datang badénipoen, roemaosipoen kawon poenapa-poenapanipoen kalijan laré énggal waoe, toer dèrèng tamtoe jèn sampoen mangertos saéstoe datang beboedénipoen.

Jèn sajektos kirang kekah, kelampah saged petal kalijan patjanganipoen ingkang lami, sanadjan roemijin roemaosipoen badé setya ing salaminipoen, maibèn datang badanipoen pijambak jèn sageda petal, sanadjan sampoen raket pitepangipoen, ngantos katah tijang ingkang mangretos. Amargi, koela njaosi priksa: godanipoen tijang nèm poenika katah. Jèn boten kekah inggih angglèwang. Manawi saweg angsal tjabi makaten waoe, tijang asring ladjeng boten gadah isin, hawa-nafsoenipoen inggih asring langkoeng kijat katimbang pikiranipoen, roemaosipoen ladjeng jèn saé warninipoen inggih ladjeng saé kelakoeanipoen. Dados saderèngipoen inggih ngatos-atos.

„Moela dèn ngati-ati enz.”

Jèn prijantoe waoe, margi saking „vrij-nipoen” ladjeng poeroen oebjang-oebjoeng pijambakan pisan ing rintendaloe, mirangaken:

1. datang badanipoen pijambak.

2. manawi ingkang makaten waoe bangsa koela tijang Katoelik, mirangaken datang missie. Manawi makaten kénging koela wastani: dados mengsahing missie, amargi loking tijang sanès ladjeng: „O, mengkono ikoe patrapé wong Kristen. Dadi mengkono-mengkono ikoe ija olèh baé.” Oetawi. „Wis doewé patjangan dèwé, kok gelem mengkono karo lija, wong Kristen ikoe.”

Dados jèn makaten saged nebihaken lan ngrenggangaken ganderèng missie lan tijang sanès. Mila inggih kedah ngatos-atos, sampoen ngantos wonten ingkang kados makaten waoe.

Angger-angger bab sesémahan amrih sagedipoen tentrem saha seneng sampoen katjeta ing sabda Dalem Hyang Pamarta, nalika ngandika makaten: „Oepajenen disk karatoning Allah lan kaadilan Dalem; jèn ikoe wis ketemoe, barang lijané woe dipasrahaké marang kowé.

Msanawi tijang badé oetawisampoen sesémahan, ngoepados Karatoning Allah, manawi tijang adjirih asih datang Goesti Allah, manawi tijang gesang mitoeroet pranatan oetawi angger-angger Dalem, manawi tijang mrelokaken kawiloedjenganing soekmanipoen tinimbang prakawis sanès, sanadjan donja badé andatengaken kasoesahan warni-warni, éwa-déné tijang ingkang makaten waoe temtoe tansah badé angsal panglipoeer lan katentremen ing salebeting prihatos.

Déné bab lampahing tijang patjangan amrih saéniipoen, sampoen naté kapatjak ing samadyaning Swara-

I S I N I P O E N.

Panggagas — Oetaming wanita — Sesémahan — Pandamelan toekang — Djaman karaméan moerid — Soemangga sami madjeng — Panglimbang — Poespita mantja warna — Ontjèn sekar gambir melati — Wasawan boekoe — Oerap-sari — Correspondentie.

Tama ngriki, makaten oegi angger-anggering tijang sémahan.

Ing nginggil poenika waoe, namoeng kénginga kanggé pepèngat datang para moeda.

Manawi wonten keladoeking temboeng oetawi oekara njoewoen pangapoenten.

Ngandap ketèwèl 30 — 6 — 30.

taklim
Heriot.

ONDERWIJS.

PANDAMELAN TOEKANG.

(Techniek).

Sambetipoen Sw. Tm. No. 28

Para maos temtoenipoen ladjeng badé ngendika: bisa temen moeni jèn wong Djawa ora seneng marang panggawéjan toekang besi, wong sing pada njamboet-gawé ana ing binkil-binkil pabrik-pabrik kabèh ija wong Djawa. Kasinggihan para maos, pantjèn makaten; namoeng sapoenika, laré ingkang sampoen naté linggih ing bangkoening pamoglangan, ingkang katah boten poeroen sekolah ing Amb. school, T. S. oetawi K. W. S. spn. ingkang babagan kawroeh pertoeangan.

Para maos ngendika malih: jagéné déné tjatjahé Ambachtsschool djawa saba diakèhi, malah sriwing-sriwing saben afdeeling arep diedegi Amb.sch.

Kasinggihan pantjèn makaten: nanging ratjakipoen laré ingkang njoewoen loemebet sekolah Amb. sch. poenika namoeng kanggé tambal boetoeh, tegesipoen: mlebet datang Normaalschool, boten gadah ragad of boten katampi. Koersoes goeroe Doesoen sampoen kebak. Dateng pamoelangan tani sampoen kasèp; pados pandamelan, mangsanipoen pangiridan poenggawa; kados-poendi malih, kepeksa mlebet Ambachtssch. katimbang nganggore.

Makaten waoe sampoen katah ketatalanipoen. Nanging margi katabipoen laré wedalan angka kalih, nadjan dipoenwontenana Ambacht.sch. pinten-pinten inggih meksa kanggé, ingkang njoewoen mlebet ngriko inggih meksa katah.

Inggih poenika wontena karsanipoen para prijantoe goeroe angka kalih, andjoewèhana wiwit kl. I. kagoegoelanga remen datang pandamelan toekang waoe, sampoen ngantos mlebetipoen datang Amb.sch. namoeng kanggé timbang nganggoer.

Langkoeng - langkoeng laré djebolan H. I. S. oetawi ingkang sampoen tamat H. I. S. poenika saja kipa-kipa, inggih pilaoer nganggoer ngetekoer katimbang mlebet Amb. sch. Mangka sinaoe datang Amb. sch. poenika manawi sampoen gadah tjepangan temboeng walandi, temtoe badé sekèta tembé wingkingipoen, katimbang ingkang boten saged basa walandi. Para maos sawènèh wonten ingkang badé ngendika: jèn wis tamat saka H.I.S.

Betah goeroe djaler oetawi èstri kanggé Standaardschool ing Zusteran Probolinggo.

Serat moegi teroes kakintoenaken datang Moeder Overste.

Heerenstraat

Probolinggo.

*) Bédjeng malih copie sampoen dipoen-serati wolak-walik. Red.

MOEDA - KATOELIK.
(Djokjakarta).

Kala Ngahad tanggal 13 Djoeli 1930 poenika M.K. ngwontenaken parepatan warga wonten ing sekolahan Kambing.

Ingkang rawoeh wonten 23. donateur lan tamoe sawatawis, ingkang ladjeng sami mlebet dados warga.

Sasampoenipun wd. Pangarsa énggal ngatoeraken soeeng rawoeh, parepatan kintenkinten djam 10 kabikak mawi tjaraing tjang Katoelik.

Ingkang karembag:

1. Maos parengan parepatan ngadjeng, teores kaabsahaken.

2. Pakabar saking Bestuur: Pangarsa lan Panitra gantos, margi Pangarsa lami kapaksa lèrèh. Ingkang wonten ing bestuur sapoenika:

1. L. Soegijarta — pangarsa.
2. B. Markidja — panitra.
3. Soebardja — hartaka.
4. Soewandi — } djoeroe noepiksa.
Soekendra — }

Éwah-éwahan poenika dipoenabsahaken déning parepatan oegi.

3. Koersoes Mladijeng lan Sport, poenika katinggal dipoenadjengi sanget déning

para warga, katanda saking katahing ingkang mlebet. Dados M.K. sapoenika koersoesipun warni-warni.

4. Pista taenan. Rantjangan badé kadawahaken ing woelan October ngadjeng poenika.

5. Pitakéan a. Poenapa boten prajogi jèn M.K. ngwontenaken: 1. Vaandel 2. insigne 3. groet.

Bestuur badé ngrembag kalijan G. A. b. Poenapa boten prajogi manawi M.K. ngwontenaken tjabang-tjabang ing sanès panggénan.

Bestuur oegi badé ngrembag prakawis poenika.

c. Kados - poendi kawontenanipun afd. tjélengan.

Hartaka afd. kasebat ladjeng andjlènrèh-aken prakawis poenika. Kawontenanipun saé.

Djalaran saking poenika ladjeng katah warga ingkang mlebet afd. poenika waoe.

Sarèhning boten wonten ingkang karembag malih, parepatan kintenkinten djam 12 katoetoep kados mestinipun.

Panitra.

Mangga para moeda Kátholik ing poendi-poendi sami tata baris! Red.

ora sijod sekolah njang Amb. sch. djawa, aloewoeng njang T. S. of K.W.S. Manawi saged lan wonten, poenika koela sèwoe djoemoeroeng, namoeng ingkang boten saged ingkang koela atoeraken. Awit laré ingkang sampoen tamat Amb. sch. mangka gadah tjepangan temboeng landi, poenika, badé gampil tambah ing kasagedanipun, djalaran sadaja boekoe ingkang ngemot kawroeh babagan ilmoe pertoeangan oetawi technik poenika sami sinerat mawi basa landi oetawi Inggris. Dados salebetipun njamboet damel ladjeng saged sinaoe sarwa maos - maos boekoe. Mila laré wedalan Amb. sch. ingkang saged temboeng landi, poenika ratjakipoen langkoeng sakétja gesangipoen, djer blandjanipun langkoeng saking loemajan.

Manawi njamboetipun damel wonten ing kita ageng kados Soerabaja, saja sakétja malih, awit ladjeng saged njambi sinaoe wonten B. A. S. (Burgelijke avond school). Kados kantja koela ingkang soewaoe oegi namoeng wedalan amb. sch. djawi Semarang, sareng sampoen njamboet damel dados goeroe Amb. sch. wonten Soerabaja, njambi sinaoe wonten B. A. S. awit sampoen gadah tjepangan temboeng landi, satamatipun B. A. S. neda medal saking Amb. sch. djawi, njewoen dados goeroe wonten Ambacht. leergang Betawi, moettal sinjo-sinjo, éngga sapriki, sampoen temtoe blandjanipun langkoeng saking loemajan.

Wonten malih laré wedalan Amb. sch. djawi Soerabaja, sareng sampoen njamboet damel, nanging dados goeroe, oegi njambi sinaoe B. A. S. éngga tamat, ladjeng kadadosaken goeroe wonten Amb. sch. Soerabaia oegi, katjarjosaken sapoenika kadadosaken vak onderwijzer amb. sch. Jodja, sampoen temtoe blandjanipun langkoeng saking loemajan. Béda kalijan koela, tjara londho nihil, mila saking amb. sch. djawa inggih namoeng ngalih wonten amb. sch. djawa; ladjeng kagolong wong tjilik, njamboet gawéné iplik, linggoehé diangklik, toelahé satitik. Orehan koela ing nginggil kénginga kanggé tjonto dateng laré-laré wedalan oetawi djebolan H.I.S. ingkang boten saged neroesaken dateng sekolahan sanès.

Sapoenika djempolan Indonesia, poenapa boten mesakaken dateng laré wedalan Ambacht ingkang boten saged temboeng landi, kados-poendi sagedipun tambah kasagedanipun kawroeh babagan techniek, awit badé maos-maos boekoe boten saged. Mila wontena karsanipun para kampijoen, mortal-mertali boekoe ingkang babagan kawroeh pertoeangan, katimbang mortal dongèng-dongèng, oetawi roman.²

Poenika lo! Balé poestaka wonten pandamelan. Karsaha mertali boekoe babagan techniek; boekoe ingkang nenarik dateng tjang remen noekang, soepados kasagedan techniek ing mantja nagari, gampil soemebaripun wonten Indonesia.*)

Manawi pantjen badé neda mardikaning tanah Hindia, kasagedan techniek sanoh ngantos dipoenkiwakaken, dipoenliwakaken, mindak kedowoeng wingking.

Pinten-pinten titel Dr. Mr. Ir., nanging werktuigkunde Ir. sadjakipoen teksh langka. Ingkang poenika koela namoeng andèrèk moemoedji sageda ing Indonesia saja katah Ir. ripoen. inggih Insinjoer babagan poenapa inggih apesipoen saja katah ingkang sami sinaoe wonten Tech. sch. Langkoeng-langkoeng sadèrèk kita katoelik sageda pepak, sampoen namoeng dateng golongan goeroe kémawon. Wekdal poenika sadèrèk R. K. ingkang wedalan technisch langka sanget, malah wekdal poenika pados goeroe Amb. school ingkang sampoen katoelik kémawon sadjaki-

poen rekaos. Mila soemangga koela atoeri nglebeti K. W. S. Betawi, K. E. S. Soerabaia, P. J. S. oetawi T. S. ing Djokja. Soekoer T. H. S. Bandoeng, Soekoer bagé sèwoe T. H. S. ing Delft. Manawi kasembadan katah sadèrèk R. K. wedalan technische scholen, ladjeng ngawontena serat kabar ingkang loegoe ngemot kawroeh babagan techniek, saha kénginga kanggé adjanging pitakéan, makaten oegi manawi manggih réka énggal, sampoen ladjeng dipoenpèk pijambak, ladjeng kalebetna ing serat kabar ngrikoe, soepados toekang roetjah kados koela saged tambah kawroehipun. Nanging ratjakipoen jèn manggih réka énggal ladjeng dipoendamel gehim. Bokmanawi T. Bosch ingkang saged ndèrèk karèt, saged ngedalaken 100% tanpa ngrisakaken wit poenika inggih dipoendamel gehim pamanggihipun.

tijang MANGKAK.*)

DJAMAN KRAMÉJAN MOERID.

Poengkasaning woelan Juni 1930 (salebeting liboer Juni) sekolahan-sekolahan bawah kaboeptèn Wonosobo sami dipoenramèk - ramèkaken. Toedjoening ramè-ramè sageda saja madjeng moerid - moeridipoen. Kanggé sekolahan Sélomojo inggih boten kantoen.

Arak-arakan moerid Sélomojo. Saking ada - adanipun para prijantoen bestuur lan loerah-loerah, saged damel komité kraméjan moerid-moerid saonderdistrict Sélomojo (angka II setoenggal, sekolahan doesoèn 5 goenggoenging moerid ± 750). Goenggoenging arta kémawon ± f 96. Tedaning moerid - moerid kasanggi déning loerah saprabotipoen (saben sakloerahan oeroen boetjoe sekawan). Arta semanten waoe toemandja dateng tetanggapan, ombèn-ombèn moerid lan roti, toewin daharing para prijantoen lan tamoe miwah wragad sanèsipun.

Dawah tanggal 28 Juni 1930. sedaja moerid ngempal ing sekolahan angka II Sélomojo. Djam 9 kaarak dateng assistènan kairing gangsa lan réjog, trebang. Pendjenenganipun A.W. nitih kapal wonten ngadjeng pijambak kados sénapatining pradijoerit mandégani wadyabala ingkang badé ngloeroeg perang. Dateng ing dalemipun A.W., pendjenenganipun A.W. medar sabda, wosipoen matoe noewoen déné sedaja prijantoen lan loerah - loerah poeroen mbantoe wontening kraméjan akanti dana baos lan arta. Moegi - moegi sageda netes wohing kraméjan waoe (sageda saja madjeng sekolahanipun). Lan ngendika, sageda loerah-loerah sami sesarengan njamboet damel ngadjengaken lebetipoen moerid. Bibar pengendikanipun A. W. laré angka II lan doesoèn sami manembrama, wosipoen inggih matoe noewoen. Saking ngrikoe kaarak dateng peken, dipoensoekani neda lan ngombé, roti. Rampoeng poenika kénging ningali tetinggalan (ringgit wetjoettal, barongan, topèng enz.). Ngantos sedinten moepoet.

Déné daloenipun inggih taksih wonten namoeng kanggé sedaja prijantoen lan loerah saprabotipoen. Woedjoeding tetinggalan boten béda kalijan sijangipoen, kaot daloelangkoeng ngengreng djalaran mawi dijan pating klentjar kados peken malem.

Anti malaria. Daloe poenika oegi pikantoe soemangan saking dokter Magelang woedjoed gambar sorot pedjah tjatjahing film 14 idji, ngewrat gambaring tjang ingkang ketradjang malaria lan papan-papan panggénan lemoet malaria; kados-poendi réka - dajanipun njingkiri sesakit malaria. Sedaja waoe katerangkaken

*) Bèndjing malih sampoen mawi potlot, lan sampoen ngantos wonten ingkang wolak-walik. Red.

klajan tjeta déning mantri malaria. Gambar kados mekatan poenika saèstoe migoenani dateng kawoela. Malah ing onderdistrict Sélomojo saweg kadoedi saèstoe sirnaning sesakit malaria. Katah tjang ingkang kedah dipoentoeloen. Pinten-pinten pil ingkang kasoekekaken dateng tjang doesoèn, moerid-moerid, kanti lelahan. Kangdjeng Goepmèn boten éman-éman ngedalaken wragad amrih wilodjenging kawoela. Koela ngadjeng adjeng sageda sami ngèstokaken lan nindakaken poenapa sadawoehipun Kangdjeng Goepmèn, ingkang toedjoenipun amrih wilodjenging kawoela.

L. J. Lambita.

VARIA.

SOEMANGGA SAMI MADJENG.

Koela sampoen lami gadah nijat badé ndèrèk medar ginem wonten ing taman swara ngriki, nanging tansah dèrèng wonten wekdal lan adrih jèn dipoentabrak para prijantoen; éwasamanten sanadjan koela adrih toer kanti sanget, meksa koela dijat.

Para prijantoen, koela atoeri manggali, tjang Katholik ing tanah Djawi poenika ingkang tjang Djawi boten sakedik, katah sanget lo. Koela radi ngoengoen, ngoengoen koela kados - poendi? Ngoengoen koela makaten, saweg nalika roemijin dèrèng katah boekoe Katoelik sami ngandika: „Bésoek kapang wong Katoelik sing ora bisa tjara landa, bisa matja boekoe Katoelik, bok énggal sing bisa tjara landa ikoe pada ndjawakna, lan énggal dietjapaké.” Wasana doemogi ing ngendon, boekoe-boekoe sami bosok, sami ndjamoeer wonten ing papan pangetjapan, mangka anggenipun ngetjap katah - katahipoen 2000 boekoe, poenika ingkang katah pijambak, poenapa margi awis, saking pamanggih koela boten, margi namoeng sami kirang madjeng bab prakawis maos-maos, poenapa malih ingkang saged tjara landi pisan, poenapa boten prajogi, ngiras noeladani ingkang boten saged tjara landi, sami ngersakna toembas boekoe oetawi maos boekoe-boekoe soetji wedalan Canisius Drukkerij? toch langkoeng oetami oegi, boten wonten saroenipun oetawi awonipun.

Dados para kadang Katoelik boten soemboet kalijan pambengok-

VAN LITH-STICHTING.

POENAPA
woelan poenika
Pandjenengan
sampoen ambajar
Contributie
V. L. S.?

Pangrèh V. L. S.
Bijz. H. I. S.
MAGELANG.

ipoen, gèk sinten ingkang karsa toembas boekoe tjap - tjapan Canisius, saweg kadang Katoelik kémawon awis-awis, poenapa tjang ingkang sanès Katoelik karsa toembas, inggih poenapa boten Rama Redactie.

Poenapa malih Swara - Tama, sinten ingkang badé ngadjengaken Swara - Tama, jèn ta para sadèrèk boten sami karsa ngebon Swara - Tama? Jèn koela nitik tjatjahing kadang Katoelik boten padja-padja, nanging njebal saking panginten, boten soemboet kalijan anggenipun mbengok wonten ing pakempalan-pakempalan.

Soemangga ta sami madjeng, kadang Katoelik sanès dipoentjapaken 5000 boekoe teroes boten ngantos sataoen telas. Tjekakipoen Canisius poenika namoeng kebak tjap-tjapan bangsa sanès kémawon. *) Pramila mangga sami énggal madjeng mindak kawon kalijan sanès golongan.

Wasana prakawis sadaja poenika soemangga ing sakarsa para prijantoen Katholik. **)

Koela
boten tédèng aling - aling
B. A. T. M. SOEDARMA.

*) Oegi Katoelik. B. A. T. M. Soedarma. **) Sampoen kerep sanget Sw. Tm. ngewrat pangadjak makaten poenika; ananging awis ingkang dipoentetangi manahipun. Sababipun poenapa? Bosenan? Éman-éman? O, tanda dèrèng . . . Red.

„KINDERKRANT.”

Koela bingah sareng maos serat kabar kita Soeara Kath. tanggal 10. No. 1. taon 3, déné S. K. sampoen madjeng, ngantos sapoenika saged medal kaping tiga ing sawoelanipun. Dados boten adjeg kémawon — stil staan is achteruitgaan — nanging malah saja ngangseg. Makaten poenika mahjakaken sengkoeding tradjanguipoen ingkang ngemoedeni saha ingkang ambijantoe; inggih ingkang ngasta koran, inggih ingkang ambijantoe sarana dados abboné oetawi sarana soemangan karangan lan sanèsipun.

Bingah koela saja mindak malih, sareng dinten tjandakipoen koela tampi Sw. Tm. Sebabipoen? Ing Sw. Tm. ngrikoe koela maos karanganipun sad. Trenggana, ingkang awoedjoed angalembana bab wedaling kinderkrant ing Blitar, ingkang kanamakaken „Kindervriend”, saha ngewrat pangadjak dateng K. W. K. W. langkoeng-langkoeng dateng P. K. W. kersaa menggalih wontenipun kinderkrant ing tanah Djawi tengah kanggé njampedi behatipoen laré-laré ing sekolahan-sekolahan ngrikoe. Makaten poenika badé andjamani toer katah paédahipun. Ngènteti boekti-boekti ingkang katjoenggoelaken déning sad. Trenggana, bilih golongan sanès sampoen gadah koran mawarni-warni, wonten oetotipoen manawi pakempalan kita, boten badé kantoen, malah ngetog kakijatanipun moedjodi idam-idamanipun, ingkang sampoen dangoe karendem ing salebeting manah.

Sinten ingkang boten badé mangajoebagja kadjeng loehoer makaten poenika? Sinten ingkang boten badé bingah, ladjeng kersa oeroen-oeroen sakadaripun?

Koela pijambak inggih toemoet bingah; ing batos mongkok; nanging sareng koela wijaraken tebaning pikiran koela — inggih sagadoeg-gadoeg koela lo — teka ketoewoehan gagasan makaten: poenapa prajogi toewin saged djalan, manawi wonten kinderkrant tiga? O, pantjenipun, sanadjan wonten kinderkrant sadasa inggih taksih kirang kémawon, manawi namoeng ngènteti katahing laré ingkang sami sekolah. Ananging sareng ngènteti kakijatan kita toewin kawontenan ingkang sampoen-sampoen (mangké koela atoeraken ing ngandap, kawontenan poenapa poenika), saking panginten koela, kok boten badé soeboer gesangipoen koran tetiga waoe; oepami saged gesang inggih badé menggrak-menggrik. Pramila sadèrèng sasampoenipun kedah kalih ingkang pandjang roemijin.

Déné manawi saking panggrajangan koela: poenapa boten lang-

koeng prajogi, manawi Kinderkrant ing Blitar kémawon kabantoe oegi déning para sadèrèk sanèsipun (langkoeng - langkoeng para goeroe) ing tanah Djawi tengah? Makaten poenika kakijatan kita nama kakrompolaken dados satoenggal, boten kapetjah-petjah. Kalijan malih ngedalaken koran kalih poenika langkoeng ngrekaos katimbang koran satoenggal, koran kalih ingkang sami toedjoenipun. Terangipoen makaten: oepami koran kadadosaken kalih warni (kalih panggénan), lan oplaagipoen njèwoe: ongkosipun tikel kalih katimbang jèn kadadosaken satoenggal oplaagipoen kalih éwoe.

Pambantoenipun sadèrèk ing tanah Djawi tengah sarana madosaken abboné's. Ing sekolahan-sekolahan makaten poenika langkoeng gampil. Goeroe saged mendet collectief abonnement kanggé moeridipoen. Artalengganan kakintoena sesarengan: sapisan ngirid ragad. Kaping kalih: klempaking arta lengganan namoeng sakedik sanget; tjang collectief abonnement 200 oepaminipun namoeng regi f2, 50 (saringgit). Goeroe makaten poenika tetoeloen moeridipoen, inggih soeka kaentèngan dateng ingkang ngintoenaken koran, awit manawi koran kadadosaken satoenggal ongkosipun soeda sanget katimbang manawi kakintoenaken idjèn.²

Ngènteti kawontenan ingkang sampoen-sampoen: P. K. W. saha afdeelingipoen K. W. K. W. sampoen (naté) gadah koran pijambak, ingkang saking pamanggihipun sad. Trenggana lan bokmanawi sadèrèk sanèsipun inggih, boten saged ngangkat (neroesaken) amargi koewalahan. Lah sapoenika manawi badé ada-ada sanès, poenapa boten nama kaplorot? Sampoen klintoe tampi koela boten maiben katahing paédahipun kinderkrant. Ananging poenapa koran kita boten katah oegi paédahipun? Men moet geen oude schoenen wegwerpen, voor men nieuwe heeft.

Nanging jèn meksa koewalahan saèstoe? Poenapa sampoen ichtjar? Sampoen ngetog karosanipun? Sampoen njatakaken kanti setiti kawontenanipun?

Sampoen samanten kémawon atoer koela; mangké mindak ngambra-ambra; mindak andjoewarèhi para maos lan mindak mangsoeli orèhan koela ing S. T. no. 17 lan 19tg. 9 Mei.

Tjekak aas pamrajogi koela (manawi kanggé) ambijantoe Kinder-vriend ing Blitar soepados ageng. P. K. W. lan afdeelingen K. W. - K. W. sanèsipun (kasawoewen samangsamangsa taksih kalilan, rede Voorzitter). Ma'af!

PENONTON.

OPVOEDING.

PANGLIMBANG.
Sambetipoen Sw. Tm. No. 28.

Manawi dipoen-gagas pandjang, ngampah hawa kalijan sabar poenika boten sami. Ngampah hawa boten sanès inggih poenika wedaring pangatos-atos sampoen ngantos kalepatan djalaran saking badanipun pijambak oetawi tjang sanès. Sareng sabar, poenika narimah, soemarah, poeroen nandang. Ngampah hawa poenika pamenggaking pikadjenangan soemedia nepsoe, pamenggaking tandang - tandoek ingkang damel koesoet, pamenggaking pikiran ingkang oepami katingala makaten damel lingsem, pamenggaking pangambaring angen - angen ingkang boten patoet, sarta pamenggaking sadaja pakarjan ingkang andjalari kénging panggrajangan awon. Ngampah hawa, wedaring tékad santosa, poenika pamenggaking tingkah ingkang boten oeroes, keket roemaket kalijan moerid ingkang gadah raos boten sakétja, ngeloes-eloes oetawi andjèwer pipi, lan sapanoenggilanipun. Goeroe ingkang boten poeroen ngampah hawa, dédé goeroe ingkang santosa tékadipun, badé kètjalan ramanipun ingkang saé, djalaran gampil gadah tindak ingkang boten maton, gampil njoekani toelada ingkang boten patoet, andjalari moerid-moerid sami itjal pitadosipun, itjal panganggepipoen ingkang loehoer, ing batos itjal pangadji-adjinipun. Samangsa moerid sami ngertos bilih tindakipoen goeroe boten djoedjoer, sanadyan namoeng dipoenbatos temtoe panganggepipoen soeda, koermatipoen namoeng doemoenoeng ing lahir. Ingkang makaten waoe ingkang kapitoenèn inggih goeroe, awit rekaosipun prasasat tanpa tandja.

badé kasambet.

WAWASAN BOEKOE.

Peladjaran Kesehatan oleh
Toean dokter A. Tuyter.

„Ana dina ana oepa: angger waras, rak bisa njamboet gawé, bisa loeroe pangan.” Mila jektos, oeger tjang temtoe ngantosaken kasarasanipun. Dados boten nggoemoenaken sanget, bilih katah boekoe, ingkang ngemot piwoelang oetawi piweling, kados-poendi pandjagipoen badan, sampoen ngantos ketjandak ing sesakit, langkoeng-langkoeng sesakit noel. Resikan menggahing badan sandang toewin teda poenika nebihaken sesakit.

Ing boekoe kasbat nginggil mewahi katahing boekoe ingkang isi bab kasarasaning badan: bab satoenggal ngrembag pigeonanipun kasarasan mawi dipoensoekani tjonto, bilih 25 taenan kapengker oep. ing kebon-kebon Deli 25% koeli ingkang pedjah, sareng sapoenika namoeng 1%. Poenapa sababipun? Saé pandjaginipun kasarasan, poenapa malih kawroeh bab sesakit sampoen mindak katah katimbang roemijin, Bab kalih ngrembag, kados-poendi noelariipoen sesakit. Prakawis poenika kedah kasoemerepan ing ngakatah, soepados saged djagi-djagi ing sadèrèngipun.

Saladjengipun boekoe ngrembag sesakit warni - warni, kadosta: sakit malaria, sakit typhes, sakit tjatjar, sakit léprah, sakit kolèrah iss. Satoenggil-toenggiling sesakit katerangkaken kanti satjeta-tjetanipun saha sarana poenapa ingkang kedah kapigeonakaken.

Bab tigawelas ngrembag sesakit léprah; sesakit poenika kénging kawastanan sesakit ingkang nggegilani, kabekta saking dangoenipun oetawi saking kadadosanipun; manawi sampoen nadarra sakit léprah boten saged ketoetoetan, lan péranganipun badan ladjeng sami mrotoli.

Moegi-moegi boekoe poenika soemebara ing satanah India: kawaos ing ngakatah, toewin ingkang sampoen maos ladjeng kersaa mradinaken dateng kantijanipun ingkang boten saged maos. Jèn makaten temtoe badé saja soeda malih sesakit ingkang wonten ing tanah India.

Boekoe waoe dipoenpertaal ing basa Mladijeng déning Tjik Nang. Tjjang saged toembas dateng Firma J. B. Wolters: regi namoeng f1 (satoenggal roepijah).

CORRESPONDENTIE.

Abonné ingkang asmanipun kapatjak ing Sw. Tm. minggoe wingking sampoen katah ingkang maringi serti. Sanèsipun?

Sad. St. Dw. Sajoeng: prajogi, teroes kaintoenan.

K.W. Smg. p.a. Dirdjosoemarto Lapersari 377. — Sw. T. wangsoeli: adrès ingkang leres kados-poendi?

*) Sampoen dipoentandangi, boten kètang sakedik. Red.

O E R A P - S A R I

(PETIKAN SERAT-SERAT KABAR SANÈS)

KABAR KATHOLIEK.

Ngarsa dalem I.S.K.S. Rama kali-an Pakempalan Wanita.

Njonjah Steenberghe Engeringh pangarsa, lan nonah Romme panitranipoen Nationale Katholiek Vrouwenbond mentas sowan odènsi wonten ngarsa dalem Pius XI, ngendjoekaken poatoesan-poatoesanipoen konggrès internasional.

Saking kapareng dalem, poatoesan² waoe badé dipoensinaoe.

Kadjawi poenika inggih ngondjoekaken rembag ingkang tjalon karembag wonten konggrès internasional tjakadikipoen, i.p. prakawis Panggoela-wentah manoei nawalanawala dalem I. S. K. S. Rama.

Rembag poenika andadosaken kapareng pangalih dalem.

Kadjawi poenika Ingkang Sinoehoen mahjakaken pangalembanipoen wonten dateng para Katolik ing nagari Walandi, ingkang kalebet pinendjoel menggahing katahipoen Imam.

Pangoeja - oeja ing Roeslan.

Tijang dooesoen 500 ing Donskoje tjelak Stawropol nedya andjarah

lontjèng - lontjèng toewin bandabandanipoen Grédja ingkang ladjeng kapasokaken dateng nagari.

Wonten laré 3000 sami arak-arakan kanggé neda soepados Grédja - grédja ladjeng dipoendarbèni nagari. Lan inggih kalampah ing salebeting Grédja ladjeng dipoensoeakani papan kanggé maos, lsp.

Ing Podolsk tetijang sami ngangkah soepados papan waoe babar pisan dadosa papan tanpa Pangéran. Kanti gambira tetijang sami nandangi Grédja ingkang wekasan pijambak.

Ing Corlowka wonten retja 4000 dipoenbesmi. Golonganipoen tijang ingkang ngemohi Pangéran sami anlatosi nglebeti saben grija preloe pados retja.

Ing Tobolsk, wonten Grédja 17, poenika ingkang dipoentoetoep wonten 16. Lontjèng - lontjèngipoen dipoenpendeti. Tilas Grédja waoe ladjeng kaanggé pakoendjaran, awit tjatjahing pakoendjaran tansah kirang - kirang kémawon.

KABAR OEMOEM

INDONESIA

Assistent wedana dipoenpedjahi.

Ing Sampang (Medoera) mentas wonten assistèn wedana dipoenpedjahi tijang, kalanipoen nindakaken papriksan wonten ing satoenggiling dooesoen ingkang misoewoer dados soesoehing kadoerdjahan kéwan. Mantri poelisi ingkang dados katinipoen assistèn wedana waoe, toemoet ketaton. (Ind. Crt.).

Katahipoen arta dendan Betawi.

Salebetipoen satengah taoen ingkang kapengker poenika, landgerecht ing Betawi sampoen angeroes prakawis 16.000 (nembelas ewoe). Prakawis semanten katahipoen poenika ingkang sapérangan ageng plangaran prakawis pranatan ing margi sarta mainan tjap djiki. Goenggoeng kempalipoen arta dendan ingkang sampoen katampi wonten f 40.000, nanging poenika taksih katoetan sapéranganing arta dendan kala taoen kapengker. Arta dendan ingkang katampi ing salebetipoen satengah taoen poenika waoe, kinten-kinten inggih sami kalijan ingkang katampi kala Januari - Juni kala taoen kapengker. (Bintang Timoer).

Tilas A. R. salingkoeh.

Ing satoenggiling hotel ing Bandoeng wonten Walandi anama G.C. pènsioenan Assistent-resident, dipoentangkep poelisi. Anggènipoen njalingkoehaken montor boten kirang saking pitoe.

Taxi ing Soerabaja.

Panggaotan taxi ing kita Soerabaja katjepeng wonten tangnipoen bangsa Tionghoa, margi taxi 843 ing kita ngrikoe, ingkang 471 (55,87%) gadahanipoen tijang Tionghoa.

Ingkang gadahanipoen bangsa Indonesia 181 (21,47%); bangsa Éropah 132 (15,66%) bangsa Arab c.s. namoeng gadah 59 (7%).

Taxi ing ngrikoe sadaja kirang langkoeng pangaos f 1.686.000.

Saben taoenipoen lisah bènsin ingkang dipoenanggé pangaos 3 miljoen roepijah. Tijang ingkang dipoenangkat ing taxi-taxi waoe sataoenipoen wonten 11.000.000 — 14.000.000 tijang; sadintenipoen sopir saged angsal arta kirang langkoeng f 17,50.

Ing taoen 1929 wonten kasangsaran montor ing margi ageng kaping 2.349, kala taoen 1928 namoeng kaping 1048.

Tjatjahipoen tijang ingkang pedjah margi kaplindes montor ing taoen 1929 wonten 18, ingkang tatoe sanget 75, tatoe èntèng 445, lan ingkang namoeng damel karsakaning montor kaping 1813. (Swara Publik).

Pakempalan winados njadé tijang.

Wonten panginten ingkang sanget, bilih ing tanah Djawi poenika katoewoehan tjabang-tjabangipoen pakempalan winados njadé koeli. Manoei tjarijipoen Ind. Crt., pakempalan winados waoe dipoenpangangi satoenggiling kadji ingkang ladjeng sasambetan kalijan komplotipoen ing Singgapoer.

Ing dooesoen-doesoen tanah Malaka, katah cultuuronderneming alit-alit dados gadahanipoen kadji oet. tijang boemi ingkang gadah arta. Onderneming poenika waoe tansah kekirangan baoe. Kanggé njampeti kekirangan poenika, ladjengngoepados baoe saking tanah Djawi ingkang tètela ketel sanget djiwanipoen.

Manawi tijang saged ambekta koeli satoenggiling kanti wilodjeng doemoegi Singgapoer, ladjeng angsal arta kontan f 200.

Anggènipoen moeloet tijang soepados poeroen késah dateng Singapoer sampoen mesti kémawon warni-warni, mawi temboeng manis sasaminipoen.

Ing ngandap poenika wonten tjonto rékanipoen soedagar tijang anggènipoen ambekta daganganipoen.

Tijang Priboemi ingkang badé dateng tanah Sabrang poenika boten perloe mawi paspoort, kadjawi manawi ngantos medal saking sadjawining djadjahan Indonesia. Saben tijang mangretos, Bengkalis poenika doemoenoeng wonten Soematra sarta sagedipoen dipoenpoeroegi namoeng manawi medal Singgapoer. Mangka Singgapoer poenika plaboehan merdika ingkang kénging dipoenanggé mlebet medal tijang boten soesah mawi migoenakaken paspoort.

Prakawis poenika njoekani wewengan dateng para soedagar-tijang, awit koeli koeli ladjeng kaopoesakaken badé dateng Bengkalis, ingkang saèstoenipoen badé kabekta dateng Singgapoer. Manawi doemoegi Singgapoer ladjeng toemoet kadji warganing pakempalan winados kasaboet . . . wasana ladjeng kasadé.

Koeli-koeli sami kabodjoek wonten Singgapoer badé angsal épah 1 straitsdollar sadinten. Manawi sampoen tiga oet. kawan woelan ladjeng sampoen saged minggah kadji, sarta ladjeng wangsoel dateng dooesoen toer mawi ambekta daradjad kadji. Boedjoekan makaten poenika oegi kerep katandoeakaken para soedagar tijang.

Mesakaken bangsa koela. (Red.).

Arta dendan ing Soerabaja.

Kwartaal kapisan ing taoen poenika, landgerecht Soerabaja nampi arta dendan f 18.861,64; kwartaal II: f 19.464,61.

Kala taoen kapengker landgerecht sampoen mriksa prakawis katahipoen 18.264, lan salebetipoen satengah taoen ing taoen 1930 sampoen mriksa prakawis 16.924. (Swara Publik).

Immigratie Tionghoa.

Ing wekdal ingkang kapengker poenika, katahipoen tijang Tionghoa ingkang dateng saking Tionghok bebara dateng Indonesia saja wewah katah. Langkoeng-langkoeng tijang èstri lan laré-laré, katahipoen tikal kalih tinimbang imigranten tijang djalar. Laré-laré waoe wonten ingkang saweg oemoer kalih taoen.

Kabesmen ageng.

Kala 10 Juli, kinten-kinten djam 3.15 sonten, wonten kabesmen ing sawingking Kerkstraat Mr. Cornelis Grija ingkang kabesmi 43, grija gemeente tiga. Atoesan tijang sami boten gadah grija. Kapitoenèn éwon. Ing ngrika madeg komité-pitoe-loengan. Tanggal 14 Juli kampoeng Tanke antawisipoen Jacatra-weg kalijan koendjaran Glodok, inggih kabesmen. Papan ingkang loedes poenika djembaripoen 4000 M² (grija 40 — 50. Kapitoenèn kataksir éwon. Atoesan tijang (Indonesia lan Tionghoa) sami boten gadah grija.

Kabesmen ing Tanka ingkang ndjalari: tijang Tionghoa pasoealajan. Kabesmen Mr. Cornelis ingkang angsal pandakwa njonjah Tionghoa margi kirang pangatos-atos anggènipoen ngreksa latoe pawon.

Motie Soerasa, kamanah boten perloe.

Pratélan wangsoelanipoen Paréntah dateng Raad Kawoela, mraté-lakaken bilih Paréntah boten kagoengan sabab kanggé nglaksanani

motienipoen warga Raad Kawoela t. Soerasa ingkang tinampi ing parepatan kala taoen 1928. Motie waoe asoeraos njoewoen dateng Paréntah soepados ngajomi tetijang ndoesoen ingkang njéwakaken sabiniipoen dateng kabodidajan gendis déning sami kapoerih nanem pantoen gendjah. Prakawis poenika kapanggali déning Paréntah dédé kapreloewan oemoem.

Nagari manggali ing wekdal kamadjengan poenika boten prajogi amatesi malih kamardikanipoen (wettelijke vrijheid) tetijang tani bangsa ngriki ing bab damel kontrak-an. Tebaning pakarjanipoen Paréntah ladjeng tanpa wates, manawi nglijer kawadajiban ingkang ngajomi kabetahanipoen satoenggiling - toenggaling tijang

Nagari boten saged manggali netepaken katahing arta séwan, lan kadjawi poenika inggih sakedik sanget manggihipoen alasan „toemoet tjawé-tjawé ing bab pambajariipoen karogegian ingkang kadjandjekaken dateng tijang tani ingkang nanem pantoen gendjah ing mangsa rendeng sadèrèngipoen taneman rosan.”

Redi mlampah.

A. I. D. martosaken, gandèng kalijan waragad-waragad, (sataoen saged f 50.000) ingkang kawadalaken kanggé ndjagi lan ndoedoek redi ingkang mlampah (wandelenden berg) tjaket kalijan djoerang Tjiso-mang) (margi sepoer Tjikampek — Bandoeng), sapoenika saweg kamanah poenapa boten langkoeng mirah (irid) manawi margi sepoer waoe dipoenelih kémawon.

Sapoenika sampoen pikantoeik padikan margi énggal ingkang pandjangipoen sami kalijan margi ingkang sapoenika. Manawi padikan margi waoe sampoen kasetitèkaken saged ngrantjag wragad - wragadipoen ingkang oegi mawi ngèngeti tjalon pandamelipoen kreteg énggal. Sawoelan kalih woelan engkas badé wonten poatoesan.

Internaat laré èstri

Nationalisten ing Soerabaja, kala tanggal 5 Juli poenika sampoen ambikak internaat kanggé laré èstri.

Pangiridan. - Saking schaal B. dateng A.

Gandèng kalijan karsanipoen Nagari badé mindah sawenèhing ambtenaar schaal B. dateng schaal A, pangagenging departement-departement kadjawi departement Financien, mentas sami tampi sirkoelèr.

Tijang ingkang tjalon kaelih dateng schaal A. poenika bajariipoen soeda 10%. Manawi oesoel ngelih saking schaal B. dateng A. waoe katampi, nagari tjalon saged ngirid 2 miljoen roepijah sataoen.

Ing salebetjing pakarjan P. T. T. tijang ingkang oemoeripoen sampoen 50 taoen, semanten oegi ingkang dinesipoen sampoen 30 taoen, bédjeng akiripoen woelan September kedah neda kèndel. Prakawis poenika oegi toemrap maandgellers toewin tijang pènsioenan ingkang njamboet damel kanggé sawatawis wekdal (tijdelijk).

Ing salebetipoen pakarjan S. S., boten badé nampi poenggawa énggal. Pakarjan-pakarjan ingkang panjènipoen ambetahaken poenggawa énggal, badé kasampiraken kémawon dateng poenggawa-poenggawa ingkang sapoenika.

Tijang ingkang badé prelop dateng sadjawining nagari, anggènipoen nglampahaken panjoewoenan kedah apes sataoen ing sadèrèngipoen. (Java Bode).

Gendis ing Indonesia.

Djiwa ing Indonesia poenika kirang langkoeng 50 joeta. Manoei pétangan ingkang kantoen pijambak, tijang semanten waoe anggènipoen migoenakaken gendis ingkang dipoendamel tjara Éropah, telas kirang langkoeng 375.000 ton; Jèn karatjah tijang satoenggiling ing dalem sataoen nelasaken gendis 7,5 k.g.

Kedah manganggé tjara Wlandi???

Koeningan wewah sakolahan satoenggiling, schakelschool. Ingkang nglebeti kirang langkoeng laré 40, sadaja laré Djawi. Kepala sakolah mradinaken sirkoelèr dateng tijang sepoehipoen moerid, asoeraos laré-laré ingkang sakolah ngrikoe kedah manganggé tjara Walandi manoei modèl ingkang katamtokaken. Goeroenipoen, (bangsa Indonesia), sadjakipoen ngemohi patjakan tjara Djawi. Sawenèhing tijang sepoeh wonten ingkang boten poeroen nglampahi préntah aloes poenika. (Het Nieuws).

Syndicaat kapoek.

Ing afd. verslag B. B., kapratè-lakaken wonten warga Raad Kawoela miterang prakawis syndicaat kapoek ing Semarang, kaparingan wangsoelan dèrèng saged mastani manawi adégipoen syndicaat waoe mitoenani golongan Priboemi. Éwadéné para pangageng badé migatosaken sarta soeka piloeloengan dateng para tani samangsa wonten nalar ingkang boten dados senengipoen.

ONTJÈN SEKAR GAMBIR MELATI.

NGABOTOHAN, SAMPOEN KANGGÉ MAINANI

Saben-saben ing serat-serat kabar wonten pawartos, si Anoe njalingkoehaké doewit saméné ewoe: . . . si B. minggat nggondol doewit saméné atoes.

Salingkoehipoen para prijantoening Nagari waoe tètela sanget oegi amewahi krowoking kas Nagari.

Ing djaman katjoepetan waragad poenika, Nagari katingal anggènipoen anggetoeni kagoengan ambtenaar kados makaten.

Nembé poenika, I. W. Goernadoer Djéndral andawoehaken medal sirkoelèr dateng babadan ingkang gadah pangowesa ngangkat lan ngèndeli poenggawa ingkang soeraosipoen anghitjari sampoen ngantos wonten malih-malih ambtenaar njalingkoehaken arta. Manawi tètela terang wonten ambtenaar karem ngabotohan soepados ladjeng dipoenkèndeli. Makaten oegi ambtenaar ingkang toemoet tékad - tékadan toemrap effecten oet. barang - barang baton kedah énggal katjatet katetepaken nerak kawadajiban. Langkoeng malih ambtenaar ingkang gadah tjete-pengan arta oetawi barang méliking nagari.

Dawoehipoen Ingkang Witjaksana waoe pantjèn inggih kasinggihan sanget.

Dados tètela, Paréntah inggih angakeni, saéning wawatekan poenika kantining pasowitan ingkang bakoe pijambak. (Tegesipoen: zedelijke opvoeding langkoeng penting tinimbang lichamelijke opvoeding).

Mila, manawi Paréntah ngoepados poenggawa, sampoen ngantos ladjeng namoeng angèngeti inggiling diploma. Kedah dipoentamataken saèstoe awon saéning kalakoe wanipoen, kénging kaendel temenan poenapa boten.

Makaten oegi, manawi wonten ambtenaar sampoen naté katatalan kalepatan margi njalingkoehaken arta, mbéndjing samedalipoen saking oekoeman inggih sampoen ngantos kaparingan kapitadosan anjèpeng arta malih. Koela mawi matoer makaten, awit manawi koela boten kalèntoe sampoen naté wonten lalampahan kados ingkang koela kadjengaken poenika.

Wonten ing Sw. T. poenika koela sampoen naté matoer: *toelada saé* makaten preloe pijambak. Badéja wonten dawoeh oet. awisan sadinten kaping pitoe, manawi ingkang andawoehaken *boten noeladani*, inggih tanpa teges.

Tanpa *toeladanipoen* para prijantoening Nagari, boten badé gagojoehan njirnakaken sadaja tindak maksijat saged kalampahan.

Manawi para ambtenaar taksih katah ingkang sami remen ngabotohan wonten kamarbolah oet. padjagongan, boten badé kawoela saged tebih saking pakareman waoe.

Manawi para ambtenaar taksih katah ingkang anggesang *koepoe malem*, ichtijar anjirnakaken grija pasoeandelan inggih boten saged anedasi.

Langkoeng - langkoeng wonten ing djaman awis arta poenika, pantjèn sampoen leresipoen tijang kedah langkoeng temenan anggènipoen amboetjali sadaja pakareman ingkang ambeborosi.

Toemrap prakawis poenika ing-

kang kedah djoemangkah roemijin, para ingkang dados sawanganing ngakatah. Dados inggih para *ambtenaar, goeroe, pantoentoen* lss.

Boten perloe koela atoreraken, kados poenapa kémawon babajaniipoen ngabotohan poenika toemrap dateng badanipoen pijambak, anakbodjo, soemarambahipoen malih dateng djagad pasrawoengan. Langkoeng - langkoeng ngabotohan ingkang langkah saking taker. Ing Ngajogjakarta (— lan inggih boten namoeng Ngajogjakarta kémawon —) wonten golongan prijantoen ingkang gadah padatan *ngirisakaken*. Saben mentas tampi blandja, mesti ladjeng semadosan *taroeng* wonten anoe. Kerep kémawon salah satoenggiling prijantoen poenika ketelasan arta babar pisan damel kapiranipoen anak bodjo. Lan boten sapisan kaping kalih kémawon anggènipoen ngantos dipoensoesoel rabinipoen wonten kalangan Kawontenan makaten poenika, toemrap djaman anggajoe *kaloehoeraning bangsa*, pantjèn kedah dipoensirnakaken. Mindak dipoenwastani tijang: *ngisin-isini!* **

Boten tètèng aling-aling, ing salebeting kalangan Kristen pijambak, satoenggiling kalih inggih wonten ingkang keladjing koelina kalijan ngabotohan. Lekasipoen satoenggiling kalih waoe, kerep kémawon nglepèti sadèrèk-sadèrèkipoen.

Oehoehoe wonten ing *Pewarta Soerabaja* 21 Juni, lembaran kaping tiga tjarijos makaten. Pengaroeh letter „M.” memang keliwat djahat. Tapi *Oehoehoe* denger ada satoe perkoempoelan Kristen jang idzinken orlang berdjoedi. Koetika satoe njonja njataken maoe djadi Kristen, asal boleh tjeki itoe djoeroe-indjil bilang baik. *Oehoehoe* djoega maoe masoek igama Kristen sadja kaloe boleh djalanin segala pengaroeh djahat dari letter „M.”

Pikantoeik koela *Pewarta Soerabaja* ingkang ngewart prakawis poenika, saking ipé koela nak sedèrèk journalist ing Semarang. Ing soewékan koran waoe mawi dipoenserati potlotan. „Dik! Jèn kober *sambelen* sing *pedes!*”

Pamirengipoen *Oehoehoe* poenika boten mawi katalèshaken Kristen *Katholiek* poenapa *Protestant*. Kadjawi makaten sabèn oemat Kristen saged amastani, pawartos waoe *katah doranipoen*.

Manawi koela manah, boten mokal manawi toewoehing pakabaran waoe margi wontenipoen tijang Kristen ingkang keladjing dipoentresnani pakareman main.

Éwadéné, sanadyan makatena, kanti ngoengak kawontenaning golongan Kristen ingkang *loear biasa* waoe, koela boten badé nandoeakaken *sambelan pedes* dateng sadèrèk *Oehoehoe*.

Pangadjeng-adjeng koela, seratanipoen s. *Oehoehoe* waoe malah dadosa pèpèngèt dateng kadang kita ingkang sami *loear biasa*.

Sageda *ngerèm* tindakipoen, sampoen ngantos *kaladjeng-ladjeng*.

Samia èngèt bilih awonipoen tijang *satoenggiling* adakanipoen ladjeng *anglelepètigolongan*.

Sadèrèk, èngètt!

Kumuningsasèl 13 Juli '30.

Taklim: *Patjar Merah*.

SAKING NGAJOGJAKARTA.

P. K. N. neda soewakipoen paos kepala.

Pakempalan Kawoela Ngajogjakarta ingkang madeg kala 29 Juni, nalika 13 Juli ngawontenaken parepatan oemoem dipoentoentoen pangarsanipoen: Bendara pangéran Soerjodiningrat, kadatengan kirang langkoeng tijang 2000 (kalebet oegi para poetri), perloe njoewoen soewakipoen paos kepala ing Ngajogjakarta.

Parepatan damel *motie* basa Djawi ingkang oengeliipoen makaten:

Parepatan oemoem „Pakempalan Kawoela Ngajogjakarta” soerja kaping 13 Djoeli 1930 wonten Djajadiipoeran, Ngajogjakarta: dipoendatengi kirang langkoeng tijang 2000 lan wonten wakiliipoen pakempalan:

Sampoen amirengaken katrangan toewin pamanggih-pamanggih bab voorstel soewakipoen paos kepala:

Pamanggihipoen parepatan: njoemerepi rekaosipoen kawoela oemoem, paos kepala prajogi kasowak:

Motie poenika kadoedjoekaken Sampéjan dalem Ingkang Sinoehoen saha Kangdjeng Goepnoer ing Ngajogjakarta:

Poatoesaning parepatan badé kabèbèr wonten serat-serat kabar ing kita ngriki.

Ngadjengaken kastie.

Kanggé ngadjengaken kastiespel ing kalanganipoen moerid - moerid pamoelangan angka kalih, ing kita

Ngajogjakarta kala 13-7-'30 ngedegaken *Kastiebond* dipoenpangarsani sadèrèk M. Soemandar.

Koersoes oelah raga.

Wiwit 10-7-'30, ing Ngajogjakarta wonten koersoes gymnastiek kanggé para goeroe, dipoentoentoen s. Soepardi. Kawartos wontenipoen koersoes waoe officeel saking Departement.

Samboetanipoen Indonesia.

Ing Péngetan Wangsoelan toemrap afdeelingsverslag Volksraad, bab samboetanipoen nagari, katjarjosaken Paréntah amanggali conversieleeningen ingkang panitjilipoen wiwit bédjeng 1933 — 34 lan anak-anipoen 5% oetawi langkoeng.

Paréntah dèrèng saged ngandikakaken margi poenika waoe badé sapinten sagedipoen ngirid anakan, sarta inggih taksih kapanggali poenapa sampoen doemoegi kalamangsaniipoen anindakaken conversie makaten waoe.

Kanggé anakan lan loenasan (rente en aflossing) samboetanipoen nagari, ing taoen 1931 sampoen dipoensoe-dijani arta f 85.277.000. Manoei rantjangan énggal, ing salebetipoen 1932 — 1936 kedah saged njoedijani arta f 426.385.000, wewah f 790.000 kaping kalih, lan f 1.580.000 kaping

M. v. BIENE.

Toekang herlodji
dan Toekang emas.
Adres jang
moerah
DJOKJA BANDOENG
Telf. 252 Telf. 226
boeat LONTJENG, HER-
LODJI dan PERKAKAS
EMAS.
Pembatja
SWARA TAMA,
dengan bawa lembaran
Swara Tama
dapat POTONGAN.

PAKOLÈH TOER LOEWESAN
SAË TOEWIN AWÈT
INGGIH NAMOENG
MERK GAZELLE
INGKANG AWOEDJOED
ALCYON
DUNLOP } RIJWIELEN
R. I. W.
Nitjil kénging! — Kentjèng soekoer!
GAZELLE HUIS — ROEMAH GIDANG
MALIOBORO — DJOKJA — TELEF. 508.

Boeat toean poenja

ER
R
C
E
E

Recept²

ADOTHEKEN
Rathkamp
& Co
MALIOBORO 15 DJOKJAKARTA.

TOKO BARANG - BARANG
H. SPIEGEL — Djokja.
ADRES JANG PALING BAIK, boeat:
Eetserviezen — Theeserviezen: f 5,75.
Perkakas dari gelas, dan perkakas dapoe;
Kereta dan korsi boeat anak - anak;
Tempat tidoer, lampoe gasoline, dan
— permainan boeat anak - anak ketjil. —
SEMOEA BARANG PALING DJEMPOL, DAN
MOERAH SEKALI!

Toko DJOEN & Co., Djocja.
PATJINAN MOEKA TOKO FUJI — TELF: No. 374.
Adres jang paling moerah dan paling baik
boewat pembikinannja.
ROTIE-ROTIE, KOEWEE-KOEWEE dan
BESCHUIT-BESCHUIT KERING.
SROETOE-SROETOE dan ROKOK-
ROKOK, jang haloes dan kasar.
Djoega slamanja djangan loepa minoem kita
poenja KOFFIE BOEBOOK, jang speciaal die
giling dengan machine Electrics, bisa giling aloes
dan kasar, menoeroet pembelie poenja perminta'an
die tanggoeng sampee menjenengken, harga per
pond f 0.90.
Boli dateng saksiken!
Memoedjiken dengan hormat
Toko DJOEN & Co.

AGENT KANGGÉ SALEBETIPOEN
NGAJOGJAKARTA.
S sepeda-sepeda merk:
SIMPLEX Cycloide, S. djené, S. petak sarta Simplex Transfer.
HIMA: Wassenaer, Rondrit, Oranje sarta Woestduin.
TOURIST: A. A. sarta A.
Sedija oegi sepeda merk:
RAY — SWIFT — GRUNO — HUMBER — VIALLE —
BURGERS E.N.R. — KROON — NATIONAL — BERGKONIG.
Sarta malih sepeda mirah wiwit pengaos f55.—, f65.—, f75.—
saprabotipoen: Klinting, pompa, lentéra sarta tas isi perka-
kas koentji sarta wadah lisah.
Mentas tampi per S.S. Slamet sarta JOH. de WIT sepeda merk:
ROVER Imperial, continental, The Rover sarta Metallicus.
Sedija oegi Djas djawah, Kopper, Lentéra Stormking, Lemantoen
tosan sarta tjèt wènter.
PENJADÉJAN KENTJÈNG SARTA KATJITJILAKEN.
Menawi perloe moendoet katerangan, badé kakintoen pratélani-
poen kalajan lelahanan.
Njenjadang Welingan.
Rijwielenhandel Reparatie-inrichting en Smederij:
„WIRIOSOESENO”
Lodjiketjil 16. NGAJOGJAKARTA Telf. No. 13.

TJÈT GILAP wedalan FRIELING model A.
kanggé ndjawi lan nglebet, namoeng kantoen ngagem.
kawadahan ing blèg, netto 10 5 2 1/2 1 1/2 kilo;
sablèg regi 10,50 5,50 3,- 1,30 0,75;
TJÈT GILAP model B. kanggé ndjawi lan nglebet
namoeng kantoen ngagem; sablèg netto 10 kilo: f 8,50;
5 kilo: f 4,50.
PABRIK TJET R.B. FRIELING
Gondhomanan 80 — DJOKJA — Telefoon no. 784.

DJAMNJA HARI ACHAD DI SEMENTARA TEMPAT ADA KOERBAN MISSA.

Ambarawa 6.-7.30.	Lamah 5.30-6.-8.	Pekalongan ³⁾ 7.30.	Soerabaja:
Amboina 7.30.	Lawang ⁵⁾ 7.	Pemalang ³⁾ 7.30.	Kepandjèn 6.-7.-9.
Bagan Siapi-api 7.30.	Madioen 6.-7.30.	Pemangkat 8.30.	Anita Boul. 6.-7.30-9.
Bandoeng 6.-7.30-9.	Magelang 7.9.	Poerwokerto 7.30.	Soerakarta 6.-7.-8.30.
Benkoelen 7.30-9.	Makassar 6.-7.30.	Poerworedjo 7.-8.30.	Tandjoeng Balai 7.30.
Blitar 7.30.	Malang 6.-7.15-8.30.	Pontianak 7.-8.30.	Tandjoeng Karang 8.
Buitenzorg 6.-8.	Manado 6.-7.30.	Probolinggo 7.30.	Tandjoeng Sakti 7.30.
Cheribon 7.30.	Medan 6.30-8.-8.30 (tjina).	Salatiga 7.30.	Tara-Tara 7.30.
Djember 7.30.	Medari ⁶⁾ 7.30.	Sambas 6.-8.30.	Tegal 6.30-8.
Djokja:	Meester Corn. 7.-9.	Sambong 8.	Tering 7.
Kampennestraat Eur. 7.-9.	Mendoet 6.-7.30.	Sawah Loento 7.-8.30.	Tjilatjap ³⁾ 7.30.
Kota Baroe 6.-7.30.	Modjokerto 6.-8.	Sedajoe 7.	Tjimahi 6.-8.
Djombang ¹⁾ 7.30.	Moentilan 5.-6.-8.	Sedjiram 5.45-8.30.	Tomohon 7.-8.-9.
Fort de Kock 7.30.	Muntok 8.	Semarang: 7.	Wates ⁷⁾ 7.
Gandjoeran ²⁾ 7.	Ngawi ¹⁾ 7.30.	Gedangan 6.-8.	Weltevreden:
Gombong ³⁾ 7.30.	Padang 7.-8.15-9 (tjina).	Bangkong 6.30-8.30.	Waterlooplein 5.45-7.-9.
Keboemen ⁴⁾ 7.30.	Padang Pandjang 7.30.	Tjandi 7.30.	Kramat 6.-8.-9 (mal.).
Kediri 7.30.	Pajakoeambo 7.30.	Randoesari 7.-9.	Wonosobo ⁸⁾ 7.30.
Klatèn 7.30.	Palembarang 7.-9.	Singawang 6.30-9.	Woloan 8.30.
Koeta Radja 6.30-8.	Pasoeroean ¹⁾ 7.30.	Soekaboemi 6.-7.30.	
		Heuvel 5.30.	

¹⁾ 1e. Achad.
²⁾ 1e. + 3e. Achad.

³⁾ 2e. Achad.
⁴⁾ 1e. Achad tiao² doea boelan.

⁵⁾ 1e., 2e., 4e. Achad.
⁶⁾ 2e., 4e. Achad.

⁷⁾ 3e. Achad.
⁸⁾ 3e. Achad.

tiga, sadaja wonten f 6.320.000, margi anggènipoen ngoendoer loe-nasan extra taoen 1931 dateng taoen-taoen tjandakipoen; taksih wewah f 1.611.000 kanggé indakan-ing anakan.
Dados kanggé loenasan lan anakan salebetipoen 1931—1936 waoe, won-ten arta f 519.593.000.
Kanggé andandosi margi.
Poetoesaning College van gede-puteerden Djawi Kilèn kanggé ndan-dosi margi Kawali, wates Kaboepatèn Madjalengka antawisipoen K. M. 43 kaliyan K. M. 46,5 ing parésidènan Prijang Wétan, badé nelasaken waragad f 11.880. (A. I. D.)
Studieclub oemoer nem taoen.
Ngetrapaken banon sapisanan kanggé gedong Nasionaal.
Kala malem Ngahad kapengker poenika, Studieclub Soerabaja mèngeti nem taoenipoen. Tijang ingkang ngèstrèni 4000. Katah oetoes-an-oetoesan saking sadjawining Soe-rabaja, lan oegi katah gegèmbong kabangsan ingkang medar sabda.
Salebetipoen sadasa dinten ing woelan Juli poenika arta darma ingkang katampi wonten f 1.500.
Dinten Ngahad èndjing ing papan tjalon doenoenging Gedoeng Natio-naal dipoendatengi tijang kirang langkoeng 10.000, perloe sami ang-ngèstrèni atrapiipoen banon ingkang sapisanan kanggé Gedong waoe.
Wakil I. S. D. P. Soerabaja wonten ingkang medar sabda.
Tetijang katah sanget ingkang sami ambekta willoedjengan dipoen-kepoengaken wonten ngrikoe. Pa-soegatan dédé champagne; nanging: wédang pokak! Ingkang kanggé ngombé dédé gelas; batok! (Swara publik).

pados pandamelipoen arta Indone-sia ingkang doemoegi sapriki taksih wonten Utrecht poenika dipoenilih kémawon dateng Indonesia ngriki. Wonten ing Pèngetan Wangsoelan saking Departement Financiën, ka-pratélakaken boten saged mindah pabrik arta ing nagari Walandi waoe dateng Indonesia, margi waragad-ipoen katah sanget. Kadjawi poe-nika Paréntah sadjakipoen inggih boten notjogi ing Indonesia dipoen-degi pabrik arta, margi babatènipoen boten timbang.
Tetanèn ing bawah Cheribon.
Ing bawah distrik Djatibarang taneman-taneman pantoen katingal saé. Margi wontening Irrigatie, pa-naneming pantoen tetijang ngrikoe ladjeng boten namoeng goemantoeng dateng djawah. Nanging margi Irri-gatie dèrèng djembar saestoe, ing bawah afdeeling Indramajoe wonten tatanan warni kalih gilir goemantos, i.p. sataoen tijang tani bawah Indra-majoe Kilèn ingkang kapandoeman tanem kaping kalih (sataoen), ladjeng gentos Indramajoe Wétan ingkang saangsal giliran saged panèn kaping kalih. (Keng Po).
Malaria ing Madjakerta.
Madjakerta kénging kawastanan dados soesoehipoen sasakit malaria. Ingkang wadajib ing ngrikoe sampoen ngedalaken arta f 500, kanggé toem-bas tablèt dateng Bandoeng. Tetijang saged toembas pil waoe kanti regi saklangkoeng mirah sanget. (Brantasp.)
Rechtshoogeschool.
Katarimah Iksamenipoen bagéjan kaping kalih: Soemitra Reksadipoera, Radèn Koentjara Poerbapranata, lan M. Soemasna.
Dipoenlawan koeli.
Ing kaboeididajan karèt Kaba Wé-tan, tjaket Kebahiang (Soematra Ki-doel) mentas wonten planter bangsa

Walandi nama P. Bakker dipoen-tatoni koeli goeloenipoen. Begdja déné tatoenipoen boten moetawatosi.
Soeltan Kota Pinang.
Soeltan ing Kota Pinang (Soema-tra Pasisir Kilèn) Maämoer Perkasa Alam Sjah, béndjing wiwitaning taoen ngadjeng badé dateng nagari Walandi sowan Sri Maha Radja Poetri. (Het Nieuws).
Kominis Tionghoa dipoentjepeng
Toean Woen Tjoen Ya, kominis saking Betawi, manoet pawartos Aneta-Nipa saking Soerabaja, di-poentjepeng poelisi.
Geneeskundige Hoogeschool.
Katarimah iksamenipoen dokter, s. Muza H. Soetomo Porong Lawang, lan Liem Djwan Lioe ing Semarang.
Poelisi opsiner dipoenpedjahi.
Ing Medan mentas wonten poe-lisi opsiner nama de Ruiter, dipoen-pedjahi tijang Tobo wonten peken. Saking ada-adanipoen Pastoer Damen, ing Medan badé damel retjanipoen toewan waoe. Sapoe-nika sampoen saged nglempekaken arta darma katahipoen f 8000.
Krakatau.
Lang Eiland 13 Juli (Aneta).
Djebloeg-djebloegan alit-alit ing Krakatau taksih lestantoen santer. Mentas wonten djeblosan santer sanget, ngantos pantjoerating toja doemoehi 800 M. (wingi-wingi ing-gil-inggilipoen namoeng 500 M.)
Poelo Anak Krakatau moentjoel-ipoen wonten loemahing saganten ingkang katingal sampoen 30 M.

KLEERMAKER ACHMAD
TAMBAKSEGARAN
SOLO
Pantji soedija kanggé para kakoeng
mawi modèl warni-warni; oegi nampi
welingan badé roepi-roepi.
DAMELANIPOEN NÈTJES:
ÉPAHANIPOEN PANTES.
EIGENAAR ACHMADJASIN

wonten awisan boten ngéngingaken
tijang damel demonstratie. Poelisi
toemandang menging mawi pentoeng.
Tijang ingkang tatoe 300, tatoe
sanget 10, lan wonten tijang satoes
kabekta dateng grija sakit.
Madi, dr. Gour poenapadéné
Daman Singh sadaja sami sakabat-
ipoen Gandhi dipoenpatrapi paoe-
koeman koendjara 4 woelan, margi
kala Djoemoewah kapengker sami
damel arak-arakan ingkang andjalari
tatoenipoen tijang langkoeng saking
500.
Pasoelajan Hindoe — Islam.
Pawartos saking Mymensingh
(Bengal) tanggal 13 Juli, njarijosaken
kala tanggal 12 woelan poenika,
tijang Hindoe kaliyan Islam sami
tjampeoh. Tijang Hindoe wonten
9 ingkang pedjah. Grija-grija wonten
ingkang dipoenbesmi.
Wonten pangageng poelisi sa-
toenggag ingkang ketaton.

ITALI. Tijang nganggoer.
Tjatjahipoen tijang nganggoer ing
Itali, mindak 7000, ngantos sapoenika
ing tanah waoe gadah pandji klan-
toeng boten kirang saking 365.000.
DJERMAN. Tjatjahipoen tijang
nganggoer.
Ing salebetipoen akiripoen woelan
Djoeni poenika, nagari Djerma ga-
dah tijang nganggoer kalih mlijoen-
nematoes-tigang-dasa-enem tijang.
Kasangsaran salebeting pamelikan.
Pamelikan ing satjaketipoen Hous-
dorf (Silezië) mentas manggih katji-
lakan atoesan tijang ingkang tiwas.
DJPANG. Kasangsaran toja.
Pawartos kala Senèn poenika nja-
rijosaken ing Korea Kilèn wonten
bandjir. Tijang pedjah kalap wonten
78. Ewon tjatjahipoen tijang ingkang
kétjalan grija.
AFGANISTAN. Pagebloek kolé-
rah. Ing Afganistan wonten page-
bloek kolérah.